



# IHSAN ALLAH KEPADA INSAN

OLEH

PROF. DATO' DR. SIDEK BABA  
UNIVERSITI ISLAM ANTARABANGSA MALAYSIA




TERBITAN KHAS  
SEMPENA SAMBUTAN MAAL HIJRAH 1431H  
PERINGKAT NEGERI JOHOR

PUSAT ISLAM ISKANDAR JOHOR



Satu Malaysia Satu Ummah



ARTIKEL

# IHSAN ALLAH KEPADA INSAN

OLEH:

PROF. DATO' DR. SIDEK BABA  
UNIVERSITI ISLAM ANTARABANGSA MALAYSIA

TERBITAN KHAS  
SEMPENA SAMBUTAN MAAL HIJRAH 1432H  
PERINGKAT NEGERI JOHOR

PUSAT ISLAM ISKANDAR JOHOR

## *Mukaddimah*

Salah satu masalah umat Islam kini ialah ketidakjelasan dan kecelaruan dalam memahami isu-isu pokok yang berhubung dengan asas-asas pemikiran Islam. Ada yang mendekati asas-asas ini secara spiritual atau rohaniah dan terdapat juga yang memahami secara pemikiran semata dan menyebabkan ruang lingkup pemahaman berada di tahap yang amat terbatas.

Islam perlu difahami seadanya sebagai agama rohaniah yang memberi kekuatan dalaman manusia dan juga manifestasi zahiriah dalam bentuk amal dan pekerti. Membangun fitrah diri sekaligus membangun persekitaran diri. Fokus pembangunan dalam Islam ialah rijal atau insan. Kebangunan diri insan atas asas yang fitrah bakal membangunkan persekitarannya secara fitrah juga. Inilah asas-asas pemikiran yang cuba diungkap dalam buku ini supaya pembangunan sumber daya insani sifatnya harmoni dan seimbang. Pendekatan holistik dalam pembangunan insan adalah amat dituntut kerana jenis cabaran kini dan hari depan tidak saja sifatnya intelektual, saintifik dan teknologikal tetapi menyangkut perkara-perkara yang bersifat behavioral atau tingkah laku. Muga-muga buku ini dapat memberi manfaat kepada kita.

## MEMBANGUN JIWA HAMBA

Allah SWT mencipta manusia tidak dengan membiarkannya hidup tanpa pedoman dan panduan. Manusia ditentukan statusnya sebagai hamba dan kemurnian status hamba itu mencerminkan sifatnya yang taat, patuh, akur dan tunduk. Al Quran memberikan perisyaratkan bahawa "Tidak diciptakan jin dan manusia melainkan atas maksud beribadah kepada Allah". Ketaatan dan kepatuhan menjadi asas mengekal dan menyuburkan manusia dalam fitrah. Dalam hubungannya dengan Allah, ketaatan dan kepatuhan adalah syarat utama menjalin hubungan Rabbani yang tinggi. Tanpa ketaatan dan kepatuhan seluruh peraturan yang telah ditentukan tidak akan memberi makna apa-apa dan ianya boleh menyebabkan manusia bertindak melampaui batas.

Apakah yang dimaksudkan dengan fitrah? Fitrah ialah sesuatu yang serasi dengan diri atau sesuatu yang cocok dengan citarasa insani. Mithalnya kalau kita pergi ke pasar naluri yang fitrah akan memilih dan membeli ikan yang baik dan segar. Jiwa yang fitrah akan membeli sayur-sayur yang hijau. Sekiranya seseorang itu ke pasar dan memilih untuk membeli ikan yang busuk dan sayur yang sudah kuning dan layu, perbuatan itu adalah sesuatu yang tidak fitrah.

Contoh lain ialah apabila kita ingin memilih pasangan hidup, kita mengambil ukuran Islam dan pedoman Rasulullah SAW untuk memilih. Disamping wajah, kita mungkin mengambil pertimbangan akhlak, ilmu, harta dan keturunan sebagai kiriteria. Ini juga fitrah insan. Bila kita sudah mempunyai anak, fitrah diri kita mahu anak yang cerdik dan bila besar nanti kita mahu anak yang cemerlang dalam akademik dan cemerlang dalam budi pekerti. Ini juga dikatakan fitrah. Bila orang berjanji dengan kita, kita mahu janji itu ditepati. Bila orang bercakap dengan kita, tentu kita mahu orang itu bercakap benar. Bila kita berketua, kita mahu ketua itu amanah. Bila orang berbahasa dengan kita, kita mahu ia berbahasa dengan baik dan santun. Bila kita sakit, kita suka orang datang berziarah. Bila kita berjaya hati kita akan merasa ceria bila orang memberikan tahniah. Semua yang disebutkan itu adalah gambaran keperluan fitrah bagi manusia.

Keperluan fitrah ini boleh diisi, sekiranya jiwa taat dan patuh wujud pada diri manusia. Allah memberikan manusia pertunjuk, pedoman, batasan-batasan, prinsip, amaran, ibrah, khabar gembira, peringatan dan lain-lain supaya